



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

3 JANUARI 2022 (ISNIN)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

3 JANUARI 2022 (ISNIN)

KPDNHEP panggil pengeluar roti naik harga

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) akan memanggil pengeluar roti jenama Massimo, The Italian Baker untuk sesi konsultasi bagi menjelaskan justifikasi kenaikan harga produk mereka berkuat kuasa kelmari.

Timbalan Menteri, Datuk Rosol Wahid, berkata ini kerana kenaikan harga itu pastinya menjejaskan rakyat yang masih bergelut dengan pandemik COVID-19 dan diburukkan lagi oleh bencana banjir di seluruh negara.

"Kita akan panggil pengeluar roti jenama Massimo, kementerian nak tahu apa alasan kenaikan harga itu dan apa alterna-

tifnya untuk rakyat.

"Ia bertujuan untuk mengurangkan beban dihadapi rakyat yang pada ketika ini terjejas teruk akibat COVID-19 dan bencana banjir," katanya kepada *BH* semalam.

Rosol berkata, sewaktu kenaikan produk roti jenama Gardenia pada 1 Disember tahun lalu, pihaknya turut mengadakan sesi konsultasi bersama pengeluarinya, Gardenia Bakeries.

Katanya, syarikat berkenaan memberikan alasan kenaikan harga berpunca daripada pe-



Rosol Wahid

ningkatan harga bahan mentah yang berada di luar kawalan mereka.

"Kementerian memahami alasan itu dan sebagai alternatif, Gardenia Bakeries berjanji untuk mengeluarkan satu produk roti baharu yang dijual pada harga lama.

"Langkah yang sama boleh dibuat oleh pengeluar Massimo supaya rakyat mempunyai pilihan," katanya.

Dalam pada itu, beliau berkata, kerajaan hanya boleh mengawal

harga roti putih biasa dan jika pengeluar berhasrat menaikkan harga, mereka perlu memaklumkan kepada KPDNHEP terlebih dulu.

"Untuk roti lain, ia tidak tertakluk kepada kawalan harga itu," katanya.

Berkuat kuasa 1 Januari lalu, The Italian Baker menaikkan harga roti White Sandwich 400 gram (g) kepada RM2.80 sebuku (harga lama RM2.38), White Sandwich 600g RM4 (RM3.35), Wheat Germ 400g RM3 (RM2.48) dan Wheat Germ 600g RM4.25 (RM3.71).

Harga baharu lain, termasuk RM4.10 untuk produk 100 peratus Whole Wheat dan roti krim Duetto pula berharga RM1.

SHMKM dianggap berkesan, peniaga ingkar akan dikenakan tindakan

Harga ayam, telur mula turun

Oleh AMREE AHMAD

PUTRAJAYA — Pelaksanaan Skim Harga Maksimum Keluarga Malaysia (SHMKM) yang disambung sehingga 4 Februari depan mula menurunkan harga ayam dan telur.

Menurut Lembaga Pemasaran Pertanian Persekutuan (FAMA), maklumat terkini itu hasil tinjauan di lapangan meliputi 15 lokasi di seluruh negara kelmari.

Harga ayam proses standard di Kuala Lumpur dijual RM9.10 sekilogram iaitu sama dengan harga siling ditetapkan Kementerian Perdagangan Dalam Negeri dan Hal Ehwal Pengguna.

Harga yang sama turut dilaporkan di Kinta, Perak; Seberang Perai Tengah, Pulau Pinang; Kuantan, Pahang; Melaka Tengah, Melaka dan Johor Bahru, Johor.

Malahan ada lokasi yang didapati dijual pada harga lebih rendah seperti di Gombak, Selangor iaitu RM9.05 sekilogram; Kota Setar, Kedah (RM9) dan Kota Bharu, Kelantan (RM8.90).

Laporan disiarkan laman rasmi FAMA itu namun menunjukkan Kangar, Perlis; Kuala Terengganu, Terengganu dan Seremban, Negeri Sembilan dijual tinggi da-



HARGA ayam standard di beberapa tempat mula dijual murah dan ada yang dibawah paras siling hingga mendorong kerajaan melanjutkan SHMKM sehingga 4 Februari depan. — GAMBAR HIASAN

ripada SHMKM iaitu RM9.30.

Senario serupa berlaku di Kuching, Sarawak iaitu RM10.50 berbanding ditetapkan RM9.50, manakala di Kota Kinabalu, Sa-

bah pula ia dijual RM11 daripada harga silingnya RM10.70.

Keadaan bagaimanapun agak berbeza di Labuan apabila ayam proses standard dijual pada har-

ga RM10.90 sekilogram daripada had SHMKM iaitu RM11.

Dalam pada itu, harga runcit sebijil telur ayam dari gred A, B dan C masing-masing diwartakan

kepada 43 sen, 41 sen dan 39 sen hanya dipatuhi di lima lokasi di Semenanjung Malaysia.

Tinjauan FAMA mendapati, ia melibatkan para peruncit di Johor Bahru, Johor; Melaka Tengah, Melaka; Kuantan, Pahang; Seberang Perai Tengah, Pulau Pinang dan Gombak, Selangor.

Sementara itu, para peniaga di Kangar, Perlis; Kota Setar, Kedah; Kota Bharu, Kelantan dan Seremban, Negeri Sembilan pula secara purata menjual sebijil 44 sen, 42 sen dan 40 sen.

Begitu juga di ibu negara kecuali gred C yang dijual 39 sen, manakala di Kuala Terengganu, Terengganu pula, agensi tersebut mendapati harganya mencecah 45 sen, 43 sen dan 41 sen.

Harga di Labuan masing-masing 49 sen, 48 sen dan 47 sen seperti ditetapkan, selain Kota Kinabalu, Sabah (48 sen, 47 sen, 46 sen) dan Kuching, Sarawak (44 sen, 41 sen, 39 sen).

SHMKM yang sepatutnya berakhir 31 Disember lalu, telah dilanjutkan selama 35 hari lagi sehingga Tahun Baru Cina awal bulan depan.

Peniaga ingkar akan dikenakan tindakan mengikut Akta Kawalan Harga dan Antipencatutan 2011.

'Import ayam sejuk beku hanya langkah sementara'

MAFI perjas henti kebenaran mengimport jika bekalan cukup, harga stabil

Oleh Saiful Haizan Hasam
saiful.haizan@bh.com.my

Kuala Lumpur: Kementerian Pertanian dan Industri Makanan (MAFI) menjelaskan kebenaran mengimport ayam bulat sejuk beku dari Thailand dan China, hanya langkah sementara yang akan dihentikan sekiranya bekalan tempatan mencukupi dengan harganya kembali stabil.

Menterinya, Datuk Seri Ronald Kiang, berkata ketika ini bekalan ayam berkenaan sedang dibawa masuk oleh beberapa syarikat yang diberi kebenaran mengimport 10,000 tan atau 5.5 juta ekor sebulan.

Katanya, kebenaran itu hanya diberi bagi tempoh tiga bulan bermula Disember 2021 sehingga Februari 2022 dengan pemantauan ketat MAFI.

"Pada awal Disember lalu, ada kekurangan ayam sehingga harga melambung dan rekod kita menunjukkan kita kurang bekalan ayam di pasaran apabila sektor ekonomi kembali dibuka. Jadi kita perlu tambah bekalan (dengan mengimport).

"Kita bagi kelonggaran sementara untuk menampung kekurangan, jika pengeluaran ayam tempatan adalah mencukupi dan harganya stabil, kita akan hen-



Tinjauan di Pasar Chabang Tiga, Kuala Terengganu mendapati penurunan harga ayam membantu rakyat dapatkan barangan keperluan pada harga munasabah.

(Foto BERNAMA)

tikan segera," katanya kepada BH, semalam.

Beliau mengulas mengenai tinjauan BH di beberapa lokasi kelimari yang mendapati harga barang basah, termasuk ayam menyaksikan penurunan harga selepas kerajaan memperluaskan Skim Harga Maksimum Keluarga Malaysia (SHMKM) bermula semalam.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid turut memaklumkan pemeriksaan pematuan SHMKM mendapati harga barang terawal menunjukkan penurunan,

termasuk ayam.

"Beberapa barangan disenarai sebagai barang harga terkawal seperti ayam segar di bawah SHMKM fasa dua ini menunjukkan penurunan dan paras harga lebih stabil di Semenanjung berbanding harga maksimum ditetapkan dalam SHMKM fasa pertama yang berlangsung 7 Disember hingga semalam (kelmarin)," katanya.

Mengulas mengenai bekalan ikan, Ronald berkata, negara mempunyai stok ikan sejuk beku yang mencukupi dalam simpanan Lembaga Kemajuan Ikan Malaysia (LKIM) dan Persatuan Ne-

layan Kebangsaan (NEKMAT).

"Apabila ada kekurangan dalam pasaran, kita akan keluaran stok.

"Kementerian sentiasa memantau kelangsungan bekalan makanan negara, apatah lagi dalam masa pandemik COVID-19 dan banjir di seluruh negara," katanya.

Pada 1 Disember lalu, Perdana Menteri, Datuk Seri Ismail Sabri Yaakob, mengarahkan MAFI mengimport ayam dan mengeluarkan stok simpanan ikan sejuk beku bagi membolehkan rakyat mendapat bekalan pada harga lebih rendah.

PERMITS TILL NEXT MONTH

KIANDEE: IMPORT OF CHICKEN A TEMPORARY MEASURE

It will cease once supply in the country is sufficient and prices stabilise, says minister

SAIFUL HAIZAN HASAM
KUALA LUMPUR
news@nst.com.my

THE Agriculture and Food Industries Ministry has clarified that the permission to import frozen chicken from Thailand and China is only a temporary measure.

Such imports would cease once supply in the country was sufficient and prices stabilised, said its minister, Datuk Seri Ronald Kiandee.

He said the importation of chickens was being handled by several companies that were permitted to bring in 10,000 tonnes or 5.5 million chickens a month.

Kiandee said the permission was given for only three months, from December last year to February this year, with a strict monitoring mechanism put in place by the ministry.

"In early December, there was a shortage of chicken.

"Prices soared and our records showed we had a low supply of chicken in the market when the economic sector reopened.

"So we needed to increase the supply (by importing).

"We are giving temporary flexibility to cover the shortage.

"If the local chicken production is sufficient and the price is sta-



The price of chicken soared last month due to low supply. BERNAMA PIC

ble, we will immediately stop (the import)," he told the New Straits Times Press.

Kiandee was commenting on a *Berita Harian* survey at several locations on Saturday that found that the prices of wet goods, including chicken, saw a drop after the government expanded the Malaysian Maximum Family Price Scheme (SHMKM) on the same day.

Deputy Domestic Trade and Consumer Affairs Minister Datuk Rosol Wahid said the SHMKM compliance inspection found

that the prices of controlled goods had decreased, including chicken.

"Some items listed as price-controlled items, such as fresh chicken under SHMKM Phase Two, had decreased.

"The price level is more stable in the peninsula compared with the maximum price set during the first phase, which lasted from Dec 7 to yesterday (Saturday)."


Kiandee said the country had sufficient stock of frozen fish in the custody of the Malaysian

Fisheries Development Authority and the National Fishermen's Association.

"When there is a shortage, we will release the stock.

"The ministry is monitoring the continuity of the country's food supply, especially during the Covid-19 pandemic, as well as due to nationwide floods."

On Dec 1, Prime Minister Datuk Seri Ismail Sabri Yaakob had instructed the ministry to import chicken and release frozen fish stocks to enable the people to buy the goods at lower prices.

	* Ayam	RM7.99	* Telur Gred A	RM12.75	* Gula Pasir	RM2.85	* Cili Merah	RM9.90
	* Daging Lembu Tempatan	RM42.99	* Ikan Kembung	RM15.99	* Bawang Besar Holland	RM2.48	* Kubis Tempatan	RM2.79
	* Daging Lembu Import	RM28	* Minyak Masak	RM6.50	* Bawang Putih	RM5.50	* Tepung Gandung	RM2.20

Senarai Harga Barang Keperluan

*Harga (RM/kg) Sumber: KPDNHEP